



Alta California  
Regional Center

# TSAB NTAWV XOV XWM ALTA CONNECTIONS

Tsab Ntawv Xov Xwm Luam Tawm Ib Xyoo Plaub Zaug Coj Los Qhia Cov Neeg Peb Pab, Cov Chaw Npaj Cov Kev Pab, thiab Cov Neeg Ua Hauj Lwm Rau Alta



Lus qhia ntxiv txog peb tus kws kos duab Cindy Misner pg. 8

## TUS NEEG SAIB XYUAS KEV KHIIV HAUJ LWM COV LUS TSHAJ XO

*Tus Neeg Saib Xyuas Kev Khiav Hauj Lwm Lori Banales*

Nyob Zoo Xyoo Tshiab! Lub Xya Hli, Tim 1 yog hnuv uas lub xeev pib lawv txoj kev siv nyiaj txiag tshiab hauv lub xyoo uas lub xeev yeej muaj ntau yam kev pab coj los pab cov neeg uas peb pab, coj los pab peb cov yim neeg, cov lag luam thiab peb cov neeg ua hauj lwm. Lub xeev yeej mob siab los tsim ib cov cai uas lawv muab tso rau hauv txoj kev siv nyiaj txiag xyoo no los mus ua kom tsis txhob tau muab cov neeg ua hauj lwm pauv mus mus los los ntau, los mus txo kom cov neeg ua hauj lwm tsis txhob tau pab coob tus neeg dhau, los mus ua kom muaj cib fim ntau ntxiv rau txhua tus neeg mus siv tau cov kev pab cuam, los mus ua kom muaj kev tshaj tawm ntau rau neeg paub, thiab mob saib los pab cov me nyuam uas hnuv nyoog tseem yaus, tiam sis nws yeej tseem muaj ntau yam ntxiv! Nyob hauv ob peb lub hlis txuas ntxiv tom ntej no, Alta California Regional Center (ACRC) yuav koom tes nrog lub chaw Department of Developmental Services (DDS) los muab cov cai ntawm no coj los siv los mus kho kom cov neeg uas peb pab thiab txhawb muaj ib lub neej zoo tshaj qub ntxiv.

Txawm tias lub xyoo siv nyiaj txiag tshiab twb los txog lawm los, lub xyoo siv nyiaj txiag hauv xyoo tag los no yeej los xaus tau rau thaum tag Lub Rau Hli nrog ib yam tseem ceeb uas peb ua tau tiav. ACRC Cov Txwj Laus (Board of Directors) tau koom tes nrog koj lub zej zos thiab cov neeg ua hauj lwm los mus npaj ib txoj kev khiav dej num uas tau muab siv los teev cov lus tswj hwm tias yuav khiav dej num zoo li cas nyob hauv peb lub chaw khiav dej num nyob rau ntawm tej cheeb tsam mus ntev li peb xyoos thiab ib nrab tom ntej no. Txoj kev npaj los khiav dej num ntawm no yeej muab cov dej num uas tseem ceeb rau lub zej zog coj los ua cov dej num uas peb yuav los khiav kom ua tau tiav tej yam uas yuav muaj txiaj ntsim zoo.

### MUAJ DAB TSI NYOB HAUV TSAB XOV XWM NTAWM NO:

- *Lus tshaj xo los ntawm Tus Neeg Saib Xyuas Kev Khiav Hauj Lwm*
- *Lus Qhuas Cov Neeg Ua Hauj Lwm*
- *ACRC Txoj Kev Npaj Coj Los Khiav Dej Num*
- *Lus Qhuas Cov Neeg Peb Pab*
- *Cov Neeg Uas Peb Pab Phab Ntawv*
- *Lus Qhuas Cov Neeg Uas Peb Pab*
- *Cov Kws Kho Mob Phab Ntawv*
- *Lus Qhia Ntxiv Txog Kev Pab los sis Chaw Muaj Kev Pab*
- *Muab ACRC Coj Los Saib Zoo Li Ib Cov Lej*
- *Lus Piv Qhia Txog Ib Tus Kws Kos Duab Uas Peb Tau Xaiv Coj Los Qhia Rau Saww Daws*

Txuas ntxiv rau phab 2

# TUS NEEG SAIB XYUAS KEV KHIIV HAUJ LWM COV LUS TSHAJ XO - TXUAS NTXIV

*Tus Neeg Saib Xyuas Kev Khiav Hauj Lwm - Lori Banales*

Thaum koj nyeem tsab ntawv xov xwm ntawm no, koj yuav paub ntau ntxiv txog plaub yam uas peb yuav npaj los ua:

1. Kev Pab Cov Neeg thiab Cov Yim Neeg Uas Peb Pab
2. Kev Ua Hauj Lwm
3. Tsev Nyob thiab Cov Chaw Uas Cov Neeg Peb Pab Yuav Mus Nyob Tau
4. Txoj Kev Tsis Pub Muaj Kev Sib Cais thiab Txoj Kev Muaj Kev Koom Tes Nyob Hauv Lub Zej Zos

Txoj kev khiav dej num nyob hauv peb cov chaw khiav dej nyob ntawm tej cheeb tsam yeej muaj nthuav dav thiab pauv tsis tseg mus ntxiv. Peb yog cov neeg uas muaj ntau lub cib fim los mus nthuav peb cov kev pab thiab kev txhawb kom dav ntxiv thiab peb yeej npaj yuav los ua zoo li no thiab muaj lus ua tsaug rau lub xeev rau qhov uas lub xeev tau nqe peev coj los khiav cov dej num ntawm no. Xyoo no yog ib xyoos zoo heev li!


## LUS QHUAS COV NEEG UA HAUJ LWM

Rima Cornish tau los ua Alta tus Neeg Saib Xyuas Cov Neeg Lag Ntseg thiab Tsis Hnov Lus Zoo (DHoH) rau thaum Lub Ib Hlis tag los no lawm. Rima yug los nyob hauv ib tsev neeg uas lag ntseg; nws yog tiam 5 ntawm ib tsev neeg lag ntseg thiab nws yeej siv lus piau tes American Sign Language los sib txuas lus. Rima kawm tiav ib daim Bachelor degree rau Family and Child Studies (Kev Kawm Txog Tsev Neeg thiab Me Nyuam) thiab kawm tiav ib daim Master's degree rau Deaf Education (Kev Kawm Ntawv Lag Ntseg). Qhov nws txaus siab ua tshaj plaws yog los mus pab cov yim neeg, los mus nrhiav kev pab thiab kev ua kom tsis txhob muab cov neeg lawv hlub tshua uas yog neeg DHoH cais. Ua ntej yuav los ua hauj lwm rau Alta, Rima tau mus ua hauj lwm nyob hauv tsev kawm pab cov me nyuam uas yog neeg DHoH thiab ua ib tus kws qhia ua hauj lwm nyob hauv peb cov lag luam.

Rima txoj hauj lwm nyob ntawm Alta yog los mus:

- Tsim thiab soj ntsuam cov kev pab rau cov neeg uas lawv yog neeg DHoH.
- Qhia Alta cov neeg ua hauj lwm, cov chaw npaj kev pab thiab lub zej zos hais txog txoj kev pab cov neeg uas lawv yog neeg DHoH.
- Muab tswv yim rau Cov Neeg Saib Xyuas Kev Pab thiab Cov Neeg Pab Hauj Lwm Ntawm Txoj Kev Npaj (Service Coordinators and Planning Teams).
- Muab tswv yim rau Cov Chaw los sis Neeg Npaj Kev Pab uas xav los pab cov neeg uas lawv yog neeg DHoH.

Thov nug mus rau Rima yog koj xav paub ntau tshaj no ntxiv: [rcornish@altaregional.org](mailto:rcornish@altaregional.org)



## PEB YUAV TAU QHIA RAU SAWV DAWS PAUB....

Ib tus neeg saib xyuas kev pab nyob ntawm lub chaw dhia dej num hauv Sacramento, Sean Elliot, nyuam qhuav mus kawm tag qhov kev qhia cov neeg uas tuaj ua hauj lwm tshiab. Los ua cov kws qhia thiab cov neeg uas nrog nws ua huaj lwm tsaug, Sean tau nqa ib cov ncuav qab zib (cookies) uas muaj ACRC lub cim khiav dej num, pom meej, nyob rau ntawd.

Peb yuav tau muab daim duab uas muaj Mechelle Johnson, ACRC Tus Neeg Saib Xyuas Kev Pab, uas nws tuav ib lub ncuav ntawm cov ncuav qab zib muaj Alta lub cim khiav dej num nyob rau ntawm coj los tso rau nej sawv daws pom.



Peb muaj lus zoo siab txais tos koj los ua peb ib tus neeg pab hauj lwm, Sean!





# ACRC TXOJ KEV NPAJ COJ LOS KHIIV DEJ NUM HAUV XYOO 2022-2025

ACRC tau los tsim ib txoj khiav dej num coj los rau peb lub chaw tuav dej num siv mus li peb lub xyoo tom ntej no. Peb thov qhuas cob txwj laus, cov neeg muaj feem, thiab cov neeg ua hauj lwm uas lawv tau los tsim qhov kev npaj coj los khiav dej num ntawm no. Yog xav paub txog Plaub Yam Hauj Lwm Uas Peb Yuav Sib Zog Los Mus Khiav nyob rau hauv peb txoj kev npaj coj los khiav dej num, thov mus xyuas cov lus ntawm no uas yog cov peb muab ntawm cov ntsiab lus qhia me ntsis ua ntej nyob hauv txoj kev npaj coj los khiav dej num. Peb yeej muaj Txoj Kev Npaj Coj Los Khiav Dej Num uas qhia txhua yam nyob rau hauv peb lub vas sab. [altaregional.org](http://altaregional.org)



Alta California  
Regional Center

Txoj Kev Npaj Coj Los Khiav Dej Num yeej teev muaj Plaub Yam Hauj Lwm Uas Peb Yuav Sib Zog Los Mus Khiav uas muaj nyob hauv qab no:

**Kev Pab Cov Neeg thiab Cov Yim Neeg Uas Peb Pab** – cov lus peb hnov los ntawm cov neeg thiab cov yim neeg uas peb tau pab yeej qhia tias qhov tseem ceeb yog lawv xav kom muaj kev pauv tau mus los yooj yim thiab kom muaj cov kev pab uas yuav zoo rau tus neeg thaum muaj kev pab rau cov tib neeg uas lawv yeej nyob hauv lawv lub tsev. Thiab lawv los yeej xav kom muaj kev qhia kom lawv paub mus nrhiav kev pab nyob ntawm cov chaw uas muaj kev pab rau cov neeg zoo li lawv.



**Kev Ua Hauj Lwm** – qhov no yeej tseem yog ib yam tseem ceeb rau California thiab rau peb lub chaw khiav dej num nyob rau tej cheeb tsam. Cov neeg peb pab yeej xav mus ua hauj lwm thiab yeej xav kom lawv ua tau tej yam tseem ceeb coj los pab lawv tus kheej. Lawv yeej xav kom lawv muaj cib fim los mus npaj thiab xyaum rau txoj kev ua hauj lwm thaum lawv tseem kawm ntawv thiab lawv yeej cia siab tias peb lub chaw khiav dej num nyob rau hauv tej cheeb tsam yuav los mus tsim kom muaj cov cib fim ntawd rau lawv.



**Tsev Nyob thiab Cov Chaw Uas Cov Neeg Peb Pab Yuav Mus Nyob Tau** – nrhiav cov tsev thiab cov chaw nyob uas cov neeg peb pab yuav them taus, yuav mus nyob tau thiab yeej nyob rau ntawm tej thaj chaw uas lawv xav mus nyob. Ntxiv ntawd, nrhiav kev coj los daws qhov teeb meem uas cov neeg peb pab mus nrhiav tsis tau hauj lwm ua.



**Txoj Kev Tsis Pub Muaj Kev Sib Cais thiab Txoj Kev Muaj Kev Koom Tes Nyob Hauv Lub Zej Zos** – peb lub zej zos yeej muab txoj kev tsis pub muaj kev sib cais thiab txoj kev muaj kev koom tes nyob hauv lub zej zos thiab qhov tias saib qhov ntawd tseem ceeb li cas rau lawv coj los ua qhov tseem ceeb. Txoj kev muaj cov ntaub ntawv hais txog lub chaw khiav dej num nyob rau ntawm tej cheeb tsam uas hais ua yam lus cov neeg hais tau yeej yog ib txoj kev pab thiab ib cov cib fim tseem ceeb. Mob siab los ua kom muaj kev tshaj tawm ntau rau neeg paub nyob hauv cov zej zos uas tib neeg nquag mus sub neeg thiaj li yuav paub thiab muaj kev ntseeg siab. Npaj siab los tsim kom muaj kev koom tes tseem ceeb nyob hauv ib cheeb tsam uas peb npaj los pab cov neeg los mus muab peb txoj kev pab nthuav kom dav ntxiv.



# COV NEEG UAS PEB PAB PHAB NTAWV

ACRC Pawg Txwj Laus Muab Tswv Yim Pab Cov Neeg Uas Peb Pab yeej muaj kev sib ntsib nyob hauv cuaj lub hlis rau ib xyoos, uas yog muab ua ob yam kev sib tham tam sim no. Tus Coj Ntawm Pawg Txwj Laus yog Amy Lampe. Daim duab ntawm no yog yees nyob ntawm peb Lub Rooj Sib Tham CAC thaum Lub Rau Hli, Tim 14, 2022.




Thaum ACRC tsim peb Txoj Kev Npaj Coj Los Khiav Dej Num, CAC yeej tau hais tias lawv pom zoo raws li Txoj Kev Npaj Coj Los Khiav Dej Num Rau Kev Nrhiav Tsev Nyob. ACRC pawg txwj laus CAC tau txiav txim tias lawv xav mus npaj ib zaj yeeb yaj kiab luv luv los mus tham txog ntau cov chaw uas neeg peb pab yuav mus nyob tau. ACRC yuav muab cov yeeb yaj kiab ntawm no coj mus tso rau hauv peb tshooj YouTube thiab peb mam li muab cov yeeb yaj kiab ntawd coj mus qhia rau neeg paub nyob hauv peb lub vas sab. Lub chaw muaj npe hu ua Service Provider Future Explored uas yog ib lub chaw muaj txuj ci txog kev yees duab yeeb yaj kiab thiab kev tshaj lus tawm twb tau pib muab tswv yim coj los pab peb pawg txwj laus CAC hais txog qhov kev tsim yeeb yaj kiab ntawm no lawm.



Yog xav paub ntxiv txog ACRC pawg txwj laus CAC thiab cov hnuv uas lawv yuav muaj cov rooj sib tham yav tom ntej, thov mus saib hauv peb lub vas sab: <https://www.altaregional.org/client-advisory-committeecac>

## LUS QHUAS COV NEEG UAS PEB PAB

Kuv lub npe yog Stephanie. Thaum kuv tseem tab tom kawm kuv daim master's degree, kuv yeej tau muab txoj kev sib cais hu ua ableism uas muaj qhov zoo ntau tshaj cov neeg tsis muaj kev xiam oob qhab coj los soj ntsuam txhij txhua tab tib si lawm. Ableism yog ib txoj kev tsim txom cov tib neeg uas muaj rab peev xwm txawv lwm cov neeg. Peb yeej muab txoj kev muab ib cov neeg cais saib ntaus nqi txawv lwm cov neeg, txoj kev ntxub ib cov neeg, thiab txoj kev muab ib cov neeg uas muaj rab peev xwm tsis zoo li lwm cov neeg saib txawv, vim qhov tias cov neeg xiam oob qhab ntawd yeej tsis yog ib cov neeg nyob hauv ib pab pawg neeg uas muaj nyiaj xtiag los sis neeg muaj meej mom, coj los hais tau tias yog ableism. Ableism yeej muaj ntsis zoo ib yam li lwm cov kev tsim txom: zoo li kev saib tsis tau ib cov neeg vim lawv yog ib haiv neeg nqaij tawv txawv (racism) los sis vim lawv yog neeg poj niam los sis txiv neej (sexism). Nws yeej muab hais tau rau hauv ib cov tswv yim, ib cov lus uas muab coj los siv rau tag nrho ib cov neeg, cov cwj pwm, kev siv ntau ntau yam los ua phem, thiab/los sis kev siv huab cua txhua yam ib puag ncig coj los ua kev txiav, zoo li kev ua kom mus siv tsis tau.



Ableism yog ib yam uas ua rau neeg chim siab, tshwj xeeb tshaj yog thaum ua rau cov tib neeg uas muaj rab peev xwm txawv lwm cov neeg. Kuv tau tsim muaj ib cov kev coj los rau kuv tus kheej thiab cov neeg uas muaj rab peev xwm txawv lwm cov neeg tau siv coj los daws lawv cov teeb meem thiab coj los ua ib cov kev txhawb zog rau lawv.

- Hais tawm! Txawm tias ableism yog ib yam uas yooj yim rau peb pom los, coob tus neeg yeej tsis paub tias qhov lawv ua ntawd yeej yog ib yam uas ua kom muaj ableism mus ntxiv. Peb yeej muaj cib fim los mus qhia kom tib neeg paub. Qhov tseeb, peb yeej qhia tau rau lawv tias ableism yog dab tsi thiab qhov lawv tau ua yeej yog los ntawm ableism. Peb yuav tsum tau maj mam hais, tiam sis hais ncaj nqa. Peb yeej tsis tag yuav muab lawv saib ntaus nqi tias lawv yog neeg zoo li cas li.
- Kev mob siab los mus hlub tus kheej. Peb yuav tsum tau xyaum kom peb paub mob siab los mus hlub tus kheej tom qab peb ntsib teeb meem ableism. Ableism yeej ua rau peb tsis zoo siab; yog li ntawd, kev mob siab los mus hlub tus kheej yuav ua tau kom peb zoo siab me ntsis tuaj.
- Nco ntsoov tias ableism yog ib qhov teeb meem uas muaj nyob hauv txoj kev ua tib neeg nyob. Zoo ib yam li txoj kev saib tsis taus ib cov neeg vim lawv yog ib haiv neeg nqaij tawv txawv los sis vim lawv yog poj niam los sis txiv neej, lub hauv paus ntawm qhov teeb meem yog peb lub koom txoos. Ib txhia tib neeg siv ableism vim lawv yeej yog neeg siab phem, tiam sis muaj coob tus neeg yeej tsis paub tias qhov lawv ua ntawd yog ib yam uas ua rau ib cov tib neeg tu tu siab. Nws yeej tsis yog ib txoj kev zam txim; tiam sis, qhov uas peb paub tias nws yog ib yam teeb meem nyob hauv peb lub koom txoos yuav pab ua kom peb tsis txhob xav phem rau tib neeg txhua tus.

Yog xav tau ntaub ntawv qhia ntxiv, koj yeej mus saib tau nyob hauv kuv lub vas sab: [wevegotsmarts.com](http://wevegotsmarts.com)



# COV KWS KHO MOB PHAB NTAWV

## ACRC Cov Kws Soj Ntsuam Kev Siv Cwj Pwm

Koj puas paub tias ACRC yeej muaj ib cov neeg pab hauj lwm hu ua Board-Certified Behavior Analysts (Kws Soj Ntsuam Txoj Kev Coj Tus Cwj Pwm) uas muaj ntau yam kev pab rau cov neeg uas peb pab thiab cov neeg uas pab hauj lwm rau cov neeg uas peb pab ntawd?

Lawv yeej npaj muaj kev pab tsis tu ncuu thiab ntau zaus yeej muaj kev pab tswv yim rau cov neeg saib xyuas kev pab rau cov neeg uas peb pab mus ntxiv uas yog muaj kev pab rau cov neeg Early Start (Cov Neeg Uas Hnub Nyoog Tseem Me) mus txog rau cov neeg uas muaj hnub nyoog siab lawm - vim teeb meem txawv uas cov neeg peb pab muaj. Ntau zaus, peb cov kws soj ntsuam txoj kev coj tus cwj pwm yeej mus koom cov rooj sib tham uas cov neeg pab hauj lwm muaj coj los sib tham txog cov teeb meem ntawm txoj kev coj tus cwj pwm thiab los mus muab lus pom zoo rau cov kev pab uas yog muaj kev mus pab raws li cov pov thawj uas tau pom dua los lawm.

Cov neeg peb pab yeej muaj teeb meem me mus txog qhov loj ntawm txoj kev coj tus cwj pwm thiab txoj kev pab tau tus kheej. Cov teeb meem ntawm no yog muaj, tiam sis tsis yog tag rau: kev ua phem, kev qw nrov, kev tsoo khoom ub no, kev chim siab, kev ua rau tus kheej raug mob, kev yoj tes taw tas mus li (self-stimulatory behavior), kev noj tej khoom uas tsis yog khoom noj (pica), kev khiav (elopement), tej yam zoo li no. Thaum peb cov kws soj ntsuam txoj kev coj tus cwj pwm mus nrog cov kws saib xyuas kev pab, cov niam ntxiv los sis cov neeg tu sib tham, thiab yuav los mus txiav txim tias saib tus neeg qhov teeb meem ntawm txoj kev coj tus cwj pwm yog muaj loj npaum li cas thiab cov kev pab uas tus neeg yuav tsum tau siv yog dab tsi, ntau zaus lawv yeej mus soj ntsuam cov neeg uas peb pab nyob hauv tus neeg los sis tsev neeg lub tsev. Txoj kev mus soj ntsuam cov neeg nyob rau hauv lawv lub tsev yuav pab kom lawv npaj tau (cov) lus pom zoo uas tsim nyog coj los rau cov neeg uas peb pab thiab cov neeg pab hauj lwm rau cov neeg uas peb pab siv.

Ib txoj hauj lwm uas lawv muaj ntxiv yog los mus ntsuam xyuas qhov uas cov neeg peb pab tau ua tiav zuj zus thaum lawv siv cov kev pab uas peb muaj coj los pab lawv tam sim no. Cov kev pab ntawm no yog muaj: kev pab rau txoj kev coj tus cwj pwm, txoj kev qhia kom pauv tau tus kheej raws li qhov yuav tau pauv, txoj kev qhia kom mus nrog lwm cov neeg sib tham tau, thiab txoj kev muab cov kev npaj coj los pab txoj kev coj tus cwj pwm rau cov neeg nyob hauv cov tsev uas muaj neeg coob nyob ua ke coj los txheeb xyuas.

Ntxiv ntawd, ib qhov ntxiv uas peb cov kws soj ntsuam txoj kev coj tus cwj pwm yuav los pab yog kev qhia. Lawv tsim thiab muaj kev qhia rau cov neeg saib xyuas kev pab thiab cov lag luam.

ACRC cov neeg soj ntsuam txoj kev coj tus cwj pwm yeej khiav ntau txoj hauj lwm los mus pab cov neeg uas peb pab. Yog koj muaj lus hnyav siab hais txog ib tus neeg uas peb tus cwj pwm thiab cov kev pab uas nws yuav tsum tau siv, thov hais mus rau cov neeg saib xyuas kev pab mus nrog lawv tham saib puas yuav tsim nyog muaj ib qhov kev sib tham los pab tswv yim rau txoj kev coj tus cwj pwm.



# LUS QHIA NTXIV TXOG KEV UA COV TSEV UAS NEEG YUAV THEM TAUS



<https://mirasolvillage.net/>

Nyob dhau pem toj ntawm plawv nroog Sacramento ntawm txoj kev Richards Boulevard, Mirasol Village Developmet muaj 15 lub tsev uas yog lawv siv DDS cov nyiaj coj los npaj tseg rau cov neeg uas peb pab tau nyob. Peb yuav tsis pub kom muab tus nqi xauj tsev thiab nqi dej thiab hluav taws xob nce dhau 30% ntawm ib tus neeg cov nyiaj tau los. Peb muaj kws yees li ntawm 30 tus neeg peb tau pab yav tag los uas peb yuav muab coj los xaiv mus nyob cov tsev ntawm no ua zaum kawg nyob hauv Lub Kaum Hli 2022. First STEP Housing Access Services tab tom pab cov neeg thov thaum lawv mus nrhiav cov ntaub ntawv uas lawv yuav tau siv coj los thov mus nyob hauv ib lub ntawm 15 lub tsev ntawm no.



Yuav Muaj Sai  
Sai Tsis Ntev  
Tom Ntej No!  
Lub Kaum Ib Hlis 2022



<https://ablelightvillage.org/community-locations/elk-grove/>

ACRC muaj lus zoo siab los tshaj tawm tias DDS tau muab nyiaj rau peb siv hauv xyoo siv nyiaj 21/22 raws li qhov peb tau thov coj los npaj 21 lub tsev nyob ntawm AbleLight Village nyob hauv Elk Grove nyob ntawm txoj kev Laguna thiab Bruceville sib tshuam. Yog peb muab cov tsev ntawm no suav nrog rau cov tsev uas muaj nyob ntawm Light of the Valley, cov tsev peb muaj tag nrho ua ke yog 84 lub. Peb yuav qhib cov tsev uas muaj tus nqi pheej yig ntawm no rau neeg mus nyob rau thaum xyoo 2025. Peb yuav pib xauj tsev thaum xyoo 2024. Peb los kuj yuav muab tus nqi xauj tsev thiab nqi roj thiab hluav tawv xob xam ua 30% ntawm tus neeg cov nyiaj tau los. Lub tuam txhab uas yuav los pab tsim tsa cov tsev ntawm no yog The John Stewart Company.





# LUS QHIA NTXIV TXOG KEV TSIM COV KEV PAB

Cov kev pab uas pauv nyob rau nyob hauv lub peb lub hlis (quarter) tag los no.

## Cov Chaw los sis Neeg Tshiab Uas Yuav Los Npaj Kev Pab

**KEV NTSUAS TXOJ KEV KAWM NTAU NTAU YAM UA KE**  
Lincoln Training Center

**LUB TSEV UAS NPAJ RAU COV NEEG LAUS NYOB**  
Goldenlife, Inc.

**COV KEV KHO TSHWJ XEEB**  
Dr J thiab Assoc Psychological Svs

**KEV PAB RAU COV NEEG UAS LAWV NYOB TAU  
LAWV TUS KHEEJ**  
Tahoe Ability Program

**KEV KHO LUB CEV LOS SIS TEJ TES TAW KOM KHOV thiab  
MUAJ ZOG**  
Christina Estrem, PT, DPT

## Lus Qhuas Cov Txwj Laus Pab Tswv Yim Rau Cov Chaw los sis Neeg Npaj Kev Pab

Lindsey Dyba yog tus Coj ntawm Programs for Futures Explored. Ua tus neeg tuav txoj hauj lwm ntawm no, nws yog tus neeg saib xyuas Future 17 qhov kev pab cuam uas muaj cov kev pab cuam Day Programs (Cov Kev Pab Rau Thaum Nruab Hnub) rau cov tib neeg uas yuav tsum tau muaj kev kho mob los pab ntau mus rau cov kev pab cuam Supported Employment (Kev Pab Rau Kev Ua Hauj Lwm). Nws pib ua txoj hauj lwm I/DD rau Futures thaum xyoo 2004 uas yog ua ib tus Kws Qhia Neeg Ua Hauj Lwm thiab nws yeej tau tuav ntau txoj hauj lwm uas muaj dej num ntau zuj zus txij li thaum ntawd los.



Lindsey yeej zoo siab thiab ua tsaug tias nws tau raug xaiv los ua Ib Tus Coj Ntawm PAC. Nws yeej cia siab ntsoov tias nws yuav tau los nrog Michelle Ramirez khiav PAC cov hom phiaj ntawm txoj kev tawm suab rau cov chaw npaj kev pab thiab txoj kev los ua ib lub chaw muab tswv yim rau lwm cov chaw los sis neeg uas npaj kev pab. Thaum peb lub neej tseem muaj pauv thiab kho tsis tseg raws li cov teeb meem thiab cov kev ntxhov siab uas peb muaj tam sim no, Lindsey cia siab tias nws yuav los tuav txoj kev koom tes uas tau tsim muaj nyob hauv ob peb xyoos tag los no nyob rau ntawm Alta thiab Cov Chaw los sis Neeg Npaj Kev Pab mus ntxiv

## Cov Chaw los sis Neeg Npaj Kev Pab Uas Kaw Lawm

**KEV PAB RAU NIAM TXIV**  
Training Toward Self-Reliance (Kev Kawm Kom Pab Tau Tus Kheej)

**TSEV NYOB**  
H Patterson Family Care Home - Tus Tswv Tuag Lawm  
Dalton Van Striver Care Home - Tus Tswv Thov  
Cerezo Care Home - Tus Tswv Thov

**LUB CHAW RAU NEEG MUS UA COV DEJ NUM UA SI**  
Training Toward Self-Reliance CASS (Kev Kawm Kom Pab Tau Tus Kheej)

**KEV PAB TU VAJ TSE**  
Homecare Services - Tus Tswv Thov

**KEV PAB RAU COV NEEG UAS LAWV NYOB TAU LAWV TUS KHEEJ**  
Training Toward Self-Reliance (Kev Kawm Kom Pab Tau Tus Kheej)

**KEV MUAB TSWV YIM PAB**  
Susan Trunnell MFCC LLC - Tus Tswv Sov Hauj Lwm Lawm

Training Toward Self-Reliance (Kev Kawm Kom Pab Tau Tus Kheej) tau muab cov kev pab cuam kaw tag tib si lawm thiab yeej tsis muaj lus tshaj tawm rau neeg paub li vim hais tias lub tuam txhab yeej tsis muaj nyiaj li lawm. ACRC tau muaj ob lub rooj sib tham nrog cov neeg uas peb tau pab yav tag los thiab cov neeg pab hauj lwm hauv txoj kev npaj uas peb pub pej xeeb mus koom.

# MUAB ACRC COJ LOS SAIB ZOO LI IB COV LEJ

**Koj puas paub tias ACRC pab tau neeg coob txog li 1000 tus neeg ntxiv txhua xyoo?**

**Ntawm no yog cov neeg uas peb pab thaum Lub Rau Hli, Tim 14, 2022:**

Early Start (Cov Neeg Uas Hnub Nyoog Tseem Me) - 2,373

Cov Neeg Uas Lanterman Pab - 25,119

Suav Tag Nrho Ua Ke = 27,492

## COLUMBUS ORGANIZATION - KEV SAU NPE MUS PAB HAUJ LWM THAUM MUAJ XWM CEEV

Alta California Regional Center tau mus cog lus nrog Columbus Organization kom lawv los mus tuav txoj hauj lwm rau Kev Sau Npe Mus Pab Hauj Lwm Thaum Muaj Xwm Ceev nyoob thoob plaws lub xeev. Lub chaw Department of Development Services (DDS) tau tsim muaj qhov kev sau npe ntawm no los mus pab cov chaw npaj kev pab rau lub chaw khiav dej num nyob rau tej cheeb tsam los mus nrhiav neeg pab hauj lwm thaum muaj xwm ceev, zoo li thaum muaj hluav taws kub hnyiab thiab muaj dej nyab loj. Thov mus xyuas ntawm: <https://www.altaregional.org/emergency-staffing-registry> yog xav paub ntxiv, suav nrog rau cov neeg pab hauj lwm zaj yeeb yaj kiab qhia txog kev mus sau npe pab hauj lwm uas lawv muab tso rau hauv YouTube.



Yog tias koj yog ib lub chaw los sis ib tus neeg npaj kev pab uas xav mus tso npe rau hauv qhov kev sau npe mus pab hauj lwm thaum muaj xwm ceev los sis kom teb tej cov lus nug, thov nug mus rau:



Julie Flannery – Columbus Organization [jflannery@columbusorg.com](mailto:jflannery@columbusorg.com)

Beth Reiniger - Columbus Organization [breiniger@columbusorg.com](mailto:breiniger@columbusorg.com)

Aaron Christian – DDS [Aaron.Christian@dds.ca.gov](mailto:Aaron.Christian@dds.ca.gov)

## LUS PIAV QHIA TXOG IB TUS KWS KOS DUAB UAS PEB TAU XAIV COJ LOS QHIA RAU SAWV DAWS



**Lub Npe:** Cindy Misner

**Nyob ntawm ARC of Placer County's Studio 700:** Cindy yog ib tus poj niam uas koj yuav muaj kev zoo siab heev thaum koj ntsib nws. Nws muaj kev hlub thiab ua lub siab zoo rau cov tus neeg uas nws ntsib. Cindy txawj hais lus thaum nws qhia txog nws tus kheej thiab tham txog nws cov duab. Cov khoom uas Cindy nyiam siv coj los tsim nws cov duab yog hlaws, duab siv xim thiab cwj mem los kos. Nws mus nrhiav cov khoom nws yuav siv coj los ua qauv tag ces nws mam li siv nws cov txuj ci coj los ua kom lawv zoo nkauj. Cindy yeej tsis muaj sij hawm kias li vim nws qhia neeg kos duab nyob hauv Zoom thiab nws tseem kos nws ib cov duab thiab.



Nyob hauv ob xyoo no uas nws tau mus koom ib cov kev pab, tsis yog tias nws tsuas siv xim thiab cwj mem coj los kos ib cov duab uas zoo nkauj heev xwb, tiam sis nws tau cog ib tsoob txiv avocado, ua ib lub vaj cog cov khoom hu ua succulent thiab tau tsim ib cov khoom zoo nkauj uas siv tej khoom vaj khoom tsev coj los ua. Cindy yog ib tus poj niam uas nws muaj ntau yam txuj ci thiab nws nyiam ntau yam. Cindy yeej zoo siab nyob raws ntawm Arc of Placer County's Studio 700.



**Yog peb xav yuav koj cov duab peb yuav ua li cas?** Nug mus rau Studio 700 Program

Tus Coj Marie Wecker hauv email. [mwecker@placerc.org](mailto:mwecker@placerc.org)

